



淮南子

泥法

以一世之度制治天下譬猶客之乘舟中流遺其劔遽契其舟桅暮薄而求之其不知物類亦甚矣淮南子說林訓

隨迹

夫隨一隅之迹而不知因天地以游惑莫大焉雖時有所合然而不足貴也譬若旱歲之土龍疾疫之芻靈是為帝者也淮南子說林訓

失數

游者以足蹶以手栝不得其數愈蹶愈敗及其能游者非

手足者矣 淮南子說林訓

所生

鳥飛反鄉兔走歸窟狐死首丘寒將翔水各哀其所生 淮南子說林訓

非用

母貽盲者鏡母予矇者履母賞越人章甫非其用也 淮南子說林訓

林訓

不能

椎固有柄不能自楮目見百步之外不能自見其眦 淮南子說林訓

林訓

遠害

狗彘不擇甌甌而食偷肥其體而顧近其死鳳凰高翔千仞之上故莫之能致 淮南子說林訓

修短

月照天下蝕於詹諸騰蛇游霧而殆於螂蛆烏力勝日而服於騅禮能有修短也 淮南子說林訓

非任

短綆不可以汲深器小不可以盛大非其任也 淮南子說林訓

至德

至味不嫌至言不文至樂不笑至音不叫大匠不斷大豆

不具大勇不鬪得道而德從之矣譬若黃鍾之比宮大簇之比商無更調焉淮南子說林訓

重外

以瓦鈺者全以金鈺者跋以玉鈺者發是故所重者在外則內為之掘淮南子說林訓

景疾

日出暘谷入於虞淵莫知其動湏臾之間俛人之頸

淮南子說

林訓

急用

人莫欲學御龍而皆欲學御馬莫欲學治鬼而皆欲學治

人急所用也

淮南子說林訓

似愚

解門以為薪塞井以為曰人之從事或時相似

淮南子說林訓

和間

水火相燬醜在其間五味以和骨肉相愛讒賊間之而父

子相危

淮南子說林訓

害大

昌羊去蚤虱而來蛉窮除小害而致大賊欲小快而害大

利淮南子說林訓

害養

夫所以養而害所養譬猶削足而適履殺頭而便冠淮南子說林訓

害小

牆之壞也不若無也然逾屋之覆淮南子說林訓

待成

壁瑗成器磴諸之功鑊邪斷割砥礪之力淮南子說林訓

有託

蚩與驥致千里而不飛無糗糧之資而不饑淮南子說林訓

禍福

失火而遇雨失火則不幸遇雨則幸也故禍中有福也淮南子說林訓

子說林訓

在遇

鈞之縞也一端以為冠一端以為絺冠則戴致之絺則履

履之淮南子說林訓

嚮道

聖人之與道猶葵之與日也雖不能與終始哉其鄉之誠

也淮南子說林訓

不竭

宮池涔則溢旱則涸江水之原淵泉不能竭淮南子說林訓

難恃

蓋非橑不能蔽日輪非輻不能追疾然而橑輻未足恃也
淮南子說林訓

勢易

傾者易覆也倚者易駘也幾易助也濕易雨也
淮南子說林訓

貴真

芻狗能立而不能行蛇床似麋蕪而不能芳
淮南子說林訓

非勇

蹙者見虎而不走非勇勢不便也
淮南子說林訓

多勝

金勝木者非以一刃殘林也土勝水者非以一堞塞江也

淮南子說林訓

性殊

以兔之走使大如馬則逮日歸風及其為馬則又不能走

矣
淮南子說林訓

小變

冬有雷電夏有霜雪然而寒暑之勢不易小變不足以妨

大節
淮南子說林訓

非真

終日之言必有聖之事百發之中必有羿逢蒙之巧然而
世不與也其守節非也
淮南子說林訓

貴久

牛蹠彘顛亦骨也而世弗灼必問吉凶於龜者以其歷歲久矣淮南子說林訓

才禍

蘭芝以芳未嘗見霜鼓造辟兵壽盡五月之望

淮南子說林訓

知足

近教倉者不為之多飯臨江河者不為之多飲其滿腹而

已淮南子說林訓

先直

繩之與矢孰先直也

淮南子說林訓

先毀

舌之與齒孰先礪也錙之與刃孰先弊也

淮南子說林訓

變古

古之所為不可更則推車至今無蟬淮南子說林訓

忘守

觀射者遺其藝觀書者忘其愛意有所在則忘其所守

淮南

子說林訓

狀類

今蟬之與蛇蠶之與蠋狀相類而愛憎異

淮南子說林訓

無主

使但吹竽使氏厭竅雖中節而不可聽無其君形者也淮南子說林說

名尊

為客治飯而自藜藿名尊於實也淮南子說林訓

不量

乳狗之噬虎也伏鷄之搏狸也思之所加不量其力淮南子說林訓

林訓

本夫

使景曲者形也使響濁者聲也淮南子說林訓

同適

佳人不同體美人不同面而皆說於目黎橘棗栗不同味

而皆調於口淮南子說林訓

難用

華不時者不可食也淮南子說林訓

廉盜

人有盜而富者富者未必盜有廉而貧者貧者未必廉淮南子說林訓

子說林訓

辨類

蒿苗類絮而不可為絮麋不類布而可以為布淮南子說林訓

有巧

羿之所以射遠中微者非弓矢也造父之所以追速至遠者非轡銜也

淮南子說林訓

遠大

海內其所出故能大輻復其所過故能遠

淮南子說林訓

相反

明月之光可以遠望而不可以細書甚霧之朝可以細書而不可以遠望尋常之外

淮南子說林訓

遺失

畫者謹毛而失貌射者儀小而遺大

淮南子說林訓

傷大

治鼠穴而壞里閭潰小炮而發瘞疽

淮南子說林訓

全虧

若珠之有類玉之有瑕置之而全去之而虧

淮南子說林訓

安便

榛巢者處林茂安也窟穴者託堦防便也

淮南子說林訓

失便

王子慶忌足躡麋鹿手搏兕虎置之冥室之中不能搏龜鼈勢不便也

淮南子說林訓

慕類

呂望使老者奮項託使嬰兒矜以類相慕

淮南子說林訓

所致

使葉落者風搖之使水濁者魚撓之淮南子說林訓

見全

行一棊不足以見智彈一絃不足以見悲淮南子說林訓

滿足

三寸之管而無當天下弗能滿十石而有塞百斗而足矣

淮南子說林訓

急求

漁者走淵木者走山所急者存也朝之市則走過市則步

所求者亡也淮南子說林訓

純難

豹棗而雜不若孤棗之粹白璧有考不得為寶言至純之

難也淮南子說林訓

制惡

蝮蛇不可為足虎豹不可使緣木淮南子說林訓

有據

循繩而斲則不過懸衡而量則不差植表而望則不惑淮南

子說林訓

不固

蠹衆則木折隙大則牆壞懸垂之類有時而墜枝格之屬

有時而弛

淮南子說林訓

憂樂

湯沐興而蟣虱相吊大厦成而燕雀相賀憂樂別也

淮南子說

林訓

借力

槁竹有火弗鑽不黶土中有水弗掘無泉

淮南子說林訓

先困

為酒人之利而不酤則竭為車人之利而不儻則不達握

火提人反先之熱

淮南子說林訓

勢異

今有六尺之席卧而越之下材弗難植而踰之上材弗易

勢施異也

淮南子說林訓

衆濟

百梅足以為百人酸一梅不足以為一人和

淮南子說林訓

殊勇

一膊炭燠掇之則爛指萬石俱漢去之十步而不死同氣

異積也大勇小勇有似於此

淮南子說林訓

見悖

有以飭死者而禁天下之食有以車為敗者而禁天下之

乘則悖矣

淮南子說林訓

得同

釣者靜之眾者扣舟旱者抑之星者舉之為之異得魚一也淮南子說林訓

不鬪

小國不鬪於大國之間兩鹿不鬪於伏兕之傍淮南子說林訓

知大

見象牙乃知其大於牛見虎尾而知其大於狸一節見而百節知也淮南子說林訓

慎交

佐祭者得嘗佐鬪者得傷陰不祥之木為雷霆所撲淮南子說

林訓

墮武

虎有子不能搏攫者輒殺之為墮武也淮南子說林訓
傷善

日月欬明而浮雲蓋之蘭芝欬修而秋風敗之淮南子說林訓

知取

龜紐之璽賢者以為佩土壤布在田能者以為富淮南子說林訓

急用

予拯溺者金玉不若尋常之纏索淮南子說林訓

為用

屠者羨藿爲車者步行陶者用缺盆匠人處狹盧爲者不
得用用者弗肯爲

淮南子說林訓

用全

輻立三十輻各盡其力不得相害使一輻獨入衆輻皆棄
豈能致千里哉

淮南子說林訓

有宜

夜行者掩目而前其手涉水者解其馬載之舟事有所宜
而有所不施

淮南子說林訓

類聚

橘柚有鄉藿蒂有叢獸同足者相從遊鳥同翼者相從翔

淮南子說林訓

苛議

蘇秦步曰何故趨曰何趨馳有爲則議多事固苛

淮南子說林訓

易遠

田中之潦流入於海附耳之言聞於千里也

淮南子說林訓

自全

的的者獲提提者射故大白若辱大德若不足

淮南子說林訓

膠固

中夏用箠快之至冬而不知去褰衣涉水至陵而不知下
未可以應變

淮南子說林訓

用橫

未嘗稼穡粟滿倉未嘗桑蠶絲滿囊得之不以道用之必

橫淮南子說林訓

見棄

海不受流皆太山不上小人旁光不生俎駟駁不入牲

淮南

子說林訓

用同

滿堂之坐視鉤各異於環帶一也

淮南子說林訓

守職

輻之入轂各值其鑿不得相通猶人臣各守其職不得相

干淮南子說林訓

妄用

嘗被甲而免射者被而入水嘗抱壺而度水者抱而蒙火

可謂不知類矣淮南子說林訓

知懼

君子之居民上若以腐索御奔馬若履薄冰蚊在其下若

入林而遇乳虎淮南子說林訓

用人

善用人者若斲之足衆而不相害若唇之與齒堅柔相摩

而不相敗淮南子說林訓

別類

馬齒非牛蹏檀根非椅枝故見其一本而萬物知淮南子說林訓

自出

清醜之美始於耒耜黼黻之美在於杼柚淮南子說林訓

無成

再生者不穫華大旱者不膏時落淮南子說林訓

小窺

見虎一文不知其武見驥一毛不知善走淮南子說林訓

難止

使人無度河可中河使無度不可淮南子說林訓

有時

木方茂盛終日采而不知秋風下霜一夕而殫淮南子說林訓

禍延

一家失燬百家皆燒讒夫陰謀百姓暴骸淮南子說林訓

反害

病熱而強之餐救暍而飲之寒救經而引其索拯溺而授之石欲救之反為惡淮南子說林訓

自通

山雲蒸柱礎潤伏苓掘兔絲死淮南子說林訓

累小

湯沐之於河有益不多流潦注海雖不能益有愈於已淮南子說林訓

夫賢

一目之羅不可以得鳥無餌之釣不可以得魚遇士無禮不可以得賢淮南子說林訓

有然

兔絲無根而生蛇無足而行魚無耳而聽蟬無口而鳴有然之者也淮南子說林訓

脩短

鶴壽千歲以極其游蟪蛄朝生而暮死而盡其樂淮南子說林訓

不陷

狂馬不觸木獬狗不自投於河雖擊蟲而不自陷又况人乎淮南子說林訓

勢致

質的張而弓矢集林木茂而斧斤入非或召之形勢所致者也淮南子說林訓

計利

待利而後拯溺人亦必以利溺人矣淮南子說林訓

棄物

舟能沉能浮愚者不加足騏驥驅之不進引之不止人君

不以取道里 淮南子說林訓

失和

以水和水不可食一絃之瑟不可聽 淮南子說林訓

聚散

赤肉縣則鳥鵲集鷹隼驚則衆鳥散物之散聚交感以然 淮南子說林訓

正窮

駿馬以抑死直士以正窮賢者擯於朝美女擯於宮 淮南子說林訓

處行

聖人處於陰衆人處於陽聖人行於水衆人行於霜 淮南子說林訓

枯竭

塞其源者竭背其本者枯 淮南子說林訓

俱害

負子而登牆謂之不祥爲其一人墮而兩人殤 淮南子說林訓

獨任

以天下之大託於一人之才譬若懸千鈞之重於木之一枝 淮南子說林訓

善事

善舉事者若乘舟而悲謫一人唱而千人和淮南子說林訓

待治

聖人之處亂世若夏暴而待暮桑榆之間逾易忍也淮南子說林訓

林訓

有詭

水雖平必有波衡雖正必有差尺寸雖齊必有詭淮南子說林訓

用器

非規矩不能定方圓非準繩不能正曲直用規矩準繩者

亦有規矩準繩焉淮南子說林訓

見善

舟覆乃見善游馬奔乃見良御淮南子說林訓

先避

兕虎在於後隋侯之珠在於前弗及掇者先避患而後就

利淮南子說林訓

棄小

逐鹿者不顧兔決千金之貨者不爭銖兩之價淮南子說林訓

先信

弓先調而後求勁馬先馴而後求良人先信而後求能淮南子說林訓

子說林訓

緩急

陶人棄索車人掇之屠者棄銷而鍛者拾之所緩急異也
淮南子說林訓

光明

百星之明不如一月之光十牖畢開不若一户之明
淮南子說林訓

自賊

山生金反自剝木生蠹反自食人生事反自賊
淮南子說林訓

性異

巧冶不能鑄木工匠不能斲金者形性然也
淮南子說林訓

質全

白玉不琢美珠不文質有餘也
淮南子說林訓

貴勤

故跬步不休跛驚千里累積不輟可成丘阜
淮南子說林訓

用人

凡用人之道若以燧取火䟽之則不得數之則弗中正在
䟽數之間
淮南子說林訓

易淆

楊子見逵路而哭之爲其可以南可以北墨子見練絲而
泣之爲其可以黃可以黑趨舍之相合猶金石之一調相
去千歲合一音也
淮南子說林訓

干防

鳥不干防者雖近弗射其當道雖遠弗釋淮南子說林訓

詐譎

以詐應詐以譎應譎若披蓑而救火毀瀆而止水乃愈益多淮南子說林訓

鈞美

西施毛嬙狀貌不可同世祇其好美鈞也堯舜禹湯法籍殊類得民心一也淮南子說林訓

時起

聖人者隨時而舉事因資而立功涔則具權對旱則修土

龍淮南子說林訓

俗好

徵羽之操不入鄙人之耳矜和切適舉生而善淮南子說林訓

解分

晉陽處父伐楚以救江故解粹者不在於捌格在於批沉

淮南子說林訓

不允

木大者根擢山高者基扶蹠巨者志遠體大者節疏淮南子說林訓

林訓

妙道

俞景

卷之二

道者置之前而不輦志錯之後而不軒內之尋常而不塞
布之天下而不究淮南子人間訓

戒易

事者難成而易敗也名者難立而易廢也千里之隄以蟻
螻之穴漏百尋之屋以突隙之煙焚人莫蹟於山而蹟於
垤是故人皆輕小害易微事以多悔患至而後憂之是猶
病者已倦而索良醫也雖有扁鵲俞跗之巧猶不能生也

淮南子人間訓

利害

曉自然以為智知存亡之樞機禍福之門戶舉而用之陷

溺於難者不可勝計也使知所為是者事必可行則天下
無不達之塗矣是故知慮者禍福之門戶也動靜者利害

之樞機也

淮南子人間訓

反害

夫孫叔敖之請有寢之丘沙石之地所以累世不奪也晉
厲公之合諸侯於嘉陵所以身死於匠驪氏也衆人皆知
利利而病病也惟聖人知病之為利利之為病也夫再植
之木根必傷掘藏之家必有殃以言大利而反為害也

淮南

子人間訓

避利

夫病濕而強之食病渴而飲之寒此衆人之所以爲養也而良醫之所以爲病也快於目悅於心遇者之所利也然而有道者之所辟也故聖人先忤而後合後人先合而後忤

淮南子人間訓

益信

孟孫獵而得麇使秦西巴持歸烹之麇母隨之而號秦西巴弗忍縱而予之孟孫歸求麇安在秦西巴對曰其母隨而號臣誠弗忍竊縱而予之孟孫怒逐秦西巴居一年取以爲子傅左右曰秦西巴有罪於君今以爲子傅何也孟孫曰夫一麇而不忍又何況於人乎此謂有罪而益信者

也

淮南子人間訓

食報

聖王布德施惠非求其報於百姓也郊望禘嘗非求福於鬼神也山致其高而雲起焉水致其深而蛟龍生焉君子致其道而福祿歸焉夫有陰德者必有陽報有隱行者必有昭名

淮南子人間訓

類報

秦王趙政兼吞天下而亡智伯侵地而滅商鞅支解李斯車裂三代種德而王齊桓繼絕而霸故樹黍者不獲稷樹怨者無報德

淮南子人間訓

禍福

塞上之人有善術者馬無故亡而入胡人皆吊之其父曰此何遽不爲福乎居數月其馬將胡駿馬而歸人皆賀之其父曰此何遽不能爲禍乎家富良馬其子好騎墮而折其髀人皆吊之其父曰此何遽不爲福乎居一年胡人大入塞丁壯者引弦而戰近塞之人死者十九此獨以跛之故父子相保故福之爲禍禍之爲福化不可極深不可測也

淮南子人間訓

所託

今人待冠而飾首待履而行地冠履之於人也寒不能暖

風不能障暴不能蔽也然而冠冠履履者其所自託者然

也

淮南子人間訓

反利

唐子短陳駢子於齊威王威王欲殺之陳駢子與其屬出亡奔薛孟嘗君聞之使人以車迎之至而養以芻豢黍梁五味之膳日三至冬日被裘罽夏日服絺紵出則乘牢車駕良馬孟嘗君問之曰夫子生於齊長於齊夫子亦何思於齊對曰臣思夫唐子者孟嘗君曰唐子者非短子者耶曰是也孟嘗君曰子何爲思之對曰臣之處於齊也糲粢之飯藜藿之羹冬日則寒凍夏日則暑傷自唐子之短臣

也以身歸君食芻豢飯黍稷服輕暖乘牢良故思之此謂
毀人而反利之者也

淮南子人間訓

積成

夫燭火在縹煙之中也一指之所能息也塘漏若鼷穴一
撲之所能塞也及至火之燔孟諸而炎雲臺水決九江而
漸荊州雖起三軍之衆弗能救也夫積愛成福積怨成禍
若癰疽之必潰也所况者多矣

淮南子人間訓

反疾

魯人有爲父報讐於齊者剗其腹而見其心生而正冠起
而更衣徐行而出門上車而步馬顏色不變其御歆驅撫

而止之曰今日爲父報讐以出死非爲生也今事已成矣
又何去之追者曰此有節行之人不可殺也解圍而去之
使被衣不暇帶冠不及正蒲伏而走上車而馳必不能自
免於千步之中矣今坐而正冠起而更衣徐徐而出門上
車而步馬顏色不變此衆人之所以爲死也而乃反以得
活此所謂徐而馳遲於步也夫走者人之所以爲疾也步
者人之所以爲遲也今反乃以人之所以爲遲者反爲疾明
於分也有知徐之爲疾遲之爲速者則幾於道矣故黃帝
亡其玄珠使離朱捷剗索之而弗能得之也於是使忍怵
而後能得之

淮南子人間訓

有備

同日被霜敵者不傷愚者有備與知者同功

淮南子人間訓

禍生

魯季氏與郈氏鬪鷄郈氏介其鷄而季氏爲之金距季氏之鷄不勝季平子怒侵郈氏之宮而築之故禍之所從生者始於鷄距

淮南子人間訓

浸大

兩家鬪鷄季氏金距郈公作難魯昭公出走故師之所處生以棘楚禍生而不蚤滅若火之得燥水之得濕浸而益大癰疽發於指其痛遍於體故蠹啄剖梁柱蚤蚩走牛羊

此之謂也

淮南子人間訓

早備

小人不知禍福之門戶妄動而絙羅網雖曲爲之備何足以全其身譬猶夫火而鑿池被裘而用筭也且塘有萬穴塞其一魚遽無由出室有百戶閉其一盜遽無從入夫牆之壞也於隙劔之折必有齧聖人見之蚤故萬物莫能傷也

淮南子人間訓

先事

夫鴻鵠之未孚於卵也一指箴之則靡而無形矣及至筋骨之已就而羽翮之所成也則奮翼揮騰凌乎浮雲背負

青天鷹摩赤霄翱翔乎忽荒之上彷徨乎虹蜺之間雖有勁弩利矰微繳蒲旦子之巧亦弗能加也江水之始出於岷山也可撻衣而越也及至于下洞庭驚石城經舟徒起波濤舟航一日不能濟也是故聖人者常從事於無形之外而不留思盡慮於成事之內是故患禍弗能傷也

淮南子人問訓

得失

智者離路而得道愚者守道而失路

淮南子人問訓

近患

夫鵲先識歲之多風也去高木而巢扶枝大人過之則探

鷩嬰兒過之則挑其卵知備遠難而忘近患故秦之備胡也鳥鵲之智也

淮南子人問訓

審事

事有所至而巧不若拙故聖人量鑿而正柶

淮南子人問訓

不爭

夫歌采菱發陽阿鄙人聽之不若此延路陽局非歌者拙也聽者異也故交畫不暢連環不解物之不通者聖人不爭也

淮南子人問訓

慎漸

申菜杜蒞美人之所懷服也及漸之於修則不能保其芳

矣淮南子人間訓

不保

大之與小強之與弱也猶石之投卵虎之啣豚又何疑焉

淮南子人間訓

適時

古者五帝貴德三王用義五霸任力今取帝王之道而施之五霸之世是猶乘驥逐人於榛薄而策笠盤旋也今霜降而樹穀冰泮而求穫欲其食則難矣淮南子人間訓

動息

終日乾乾以陽動也夕惕若厲以陰息也因日以動因夜

以息唯有道者能行之淮南子人間訓

時俗

夫戟者所以攻城也鏡者所以照形也宮人得戟則以刈葵盲者得鏡則以蓋卮不知所施之也故善鄙不同誹譽在俗趨舍不同逆順在時淮南子人間訓

塞大

所以貴聖人者以其能龍變也今捲捲然守一節推一行雖以毀碎滅沉猶且弗易也此察於小好而塞於大道也淮南子人間訓

行小

田子方見老馬於道喟然有志焉以問其御曰此何馬也其御曰此故公家畜也老罷而不爲用出而鬻之田子方曰少而貪其力老而棄其身仁者弗爲也束帛以贖之罷武聞之知所歸心矣齊莊公出獵有一蟲舉足將搏其輪問其御曰此何蟲也對曰此螳螂也其爲蟲也知進而不知却不量力而輕敵莊公曰此爲人而必爲天下勇武矣迴車而避之勇武聞之知所盡死矣故田子方隱一老馬而魏國戴之齊莊公避一螳螂而勇武歸之故聖人行之於小則可以覆大矣審之於近則可以懷遠矣

淮南子人間訓

貴要

今萬人調鍾不能比之律誠得知者一人而足矣說者之論亦猶此也誠得其數則無所用多矣夫車之所以能轉千里者以其要在三寸之轄

淮南子人間訓

說道

魯哀公爲室而大公宣子諫曰室大衆與人處則諱少與人處則悲願公之適公曰寡人聞命矣築室不輟公宣子復見曰國小而室大百姓聞之必怨吾君諸侯聞之必輕吾國魯君曰聞命矣築室不輟公宣子復見曰左昭而右穆爲大室以臨二先君之廟得無害於子乎公乃令罷後除版而去之魯君之敬爲室誠矣公宣子止之必矣然三

說而一聽者其二者非其道也夫臨河而釣日入而不能
得一儵魚者非江河魚不食也所以餌之者非其欲也及
至良工執竿投而擇脣吻者能以其所欲而釣者也

淮南子人

問訓

審由

鉛之與丹異類殊色而可以爲丹者得其數也故繁稱文
辭無益於說審其所由而已矣

淮南子人間訓

察內

夫事之所以難知者以其竄端匿跡立私於公倚邪於正
而以勝惑人之心者也若使人之所懷於內者與所見於

外者若合符節則天下無亡國破家矣夫狐之捕雉也必
先卑體弭耳以待其來也雉見而信之故可得而擒也使
狐瞑目植睛見必殺之勢雉亦知驚憚遠飛以避其怨矣
夫人僞之相欺也非直禽獸之詐計也物類相似若然而
不可從外論者衆而難識矣是故不可不察也

淮南子人間訓

任重

奉一爵酒不知於色挈一石焉則白汗交流又况羸天下
之憂而海內之事者乎其重於尊亦遠也

淮南子脩務訓

人力

夫地勢水東流人必事焉然後水潦得谷行禾稼春生人

必加功焉故五穀得遂長聽其自流待其自生則鯨禹之
功不立而后稷之智不用

淮南子脩務訓

無爲

若夫以火爇井以淮灌山此用已而背自然故謂之有爲
若夫水之用舟沙之用鳩泥之用輜山之用蓐夏瀆而冬
陂因高爲田因下爲池此非吾所謂爲之

淮南子脩務訓

同歸

夫墨子跌蹠而趨千里以存楚宋段干木闔門不出以安
秦魏夫行與止也其勢相反而皆可以存國此所謂異路
而同歸者也今夫救火者汲水而趨之或以甕甑或以盆

盂其方員銳楯不同盛水各異其於滅火鈞也故秦楚燕
魏之訶也異轉而皆樂九夷八狄之哭也殊聲而皆悲一
也

淮南子脩務訓

待教

夫馬之爲草駒之時跳躍揚蹏翹尾而走人不能制齧咋
足以嗜肌碎骨蹶蹏足以破廬陷匈及至圍人擾之良御
教之掩以衡扼連以轡銜則雖歷險壅弗敢辭故其形之
爲馬馬不可化其可駕御教之所爲也馬聾蟲也而可以
通氣志猶待教而成又况人乎

淮南子脩務訓

可教

且夫身正性善發憤而成仁帽憑而爲義性命可說不待學問而合於道者堯舜文王也沉湎耽荒不可教以道不可喻以德嚴父弗能正嚴師不能化者丹朱商均也曼頰皓齒形夸骨佳不待脂粉芳澤而性可說者西施陽文也卷腴哆嗚遽蔭戚施雖粉白黛黑弗能爲美者嫫母妣佺也夫上不及堯舜下不及商均美不及西施惡不若嫫母此教訓之所喻也而芳澤之所施

淮南子脩務訓

廢學

且子有弑父者然而天下莫疏其子何也愛父者衆也儒有邪辟者而先王之道不廢何也其行之者多也今以爲

學者之有過而非學者則是以一飽之故絕穀不食以一饋之難輟足不行惑也

淮南子脩務訓

愚悖

今有良馬不待策鋟而行駑馬雖策鋟之不能進爲此不用策鋟而御則愚矣夫怯夫操利劍擊則不能斷刺則不能入及至勇武攘捲一擣則摺脇傷幹爲此棄干將鏑邪而以手戰則悖矣

淮南子脩務訓

名多

所爲言者齊於衆而同于俗今不稱九天之頂則言黃泉之底是兩末之端議何可以公論乎夫橘柚冬生而人曰

冬死死者衆養麥夏死入曰夏生生者衆江河之回曲亦
時有南壯者而人謂江河東流攝提鎮星日月東行而人
謂星辰日月西移者以大氏爲本胡人有知利者而人謂
之駭越人有重遲者而人謂之諛以多者名之

淮南子脩務訓

棄學

欲棄學而循性是謂猶釋船而欲展足水也

淮南子脩務訓

學益

夫純鈞魚腸劍之始下型擊則不能斷刺則不能入及加
之砥礪摩其鋒鄂則水斷龍舟陸剗犀甲明鏡之始下型
朦然未見形容及其粉以玄錫磨以白旃鬢眉微毛可得

而察夫學亦人之砥錫也而謂學無益者所以論之過

淮南

子脩務訓

衆餘

知者之所短不若愚之所修賢者之所不足不若衆人之
有餘何以知其然夫宋畫吳冶刻刑鏤法亂修曲出其爲
微妙堯舜之聖不能及蔡之幼女衛之雅質相慕組雜竒
彩抑黑質揚赤文禹湯之智不能逮

淮南子脩務訓

情知

夫天之所覆地之所載包於六合之內託於宇宙之間陰
陽之所生血氣之精含牙戴角前爪後距奮翼攫肆歧行

燒動之蟲喜而合怒而鬪見利而就避害而去其情一也
雖所好惡其與人無以異然其爪牙雖利筋骨雖強不免
制於人者知不能相通才力不能相一也各有其自然之
勢無稟受於外故力竭功沮

淮南子脩務訓

寡知

夫鴈順風以愛氣力銜蘆而翔以備矰弋螳知爲埳獲貉
爲曲亢虎豹有茂草野彘有尤脊槎櫛堀虛連比以像宮
室陰以防雨景以蔽日此亦鳥獸之所以知求合於其所
利今使人生於僻陋之國長於窮櫛漏室之下長無兄弟
少無父母目未嘗見禮節耳未嘗聞先古獨守專室而不
出門使其性雖不愚然其知者必寡矣

淮南子脩務訓

習貫

今夫盲者目不能別晝夜分白黑然而搏琴撫絃參彈復
徽攫援標拂手若蔑蒙不失一絃使未嘗鼓瑟者雖有離
朱之明攫掇之捷猶不能屈伸其指何則服習積貫之所
致

淮南子脩務訓

成器

故弓待斲而後能調劔待砥而後能利玉堅無敵鏤以爲
獸首尾成形磻諸之功木直中繩揉以爲輪其曲中規隱
括之力唐瑁堅忍之類猶可刻鏤揉以成器用又况心意

淮南子脩務訓

貴學

夫瘠地之民多有心者勞也沃地之民多不才者饒也由
此觀之知人無務不若愚而好學淮南子脩務訓

廢法

夫無規矩雖奚仲不能以定方圓無準繩雖魯般不能以
定曲直淮南子脩務訓

貴知

是故鍾子期死而伯牙絕絃鼓琴知世莫賞也惠施死而
莊子寢說言見世莫可為語者也淮南子脩務訓

貴聽

夫項託七歲為孔子師孔子有以聽其言也以年之少為
間大人說救敵不給何道之能明也淮南子脩務訓

鮮知

夫以徵為羽非絃之罪以甘為苦非味之過楚人有烹猴
而召其隣人以為狗羹也而甘之後聞其猴也據地而吐
之盡瀉其食此未始知味者也邯鄲師有出新曲者託之
李奇諸人皆爭學之後知其非也而皆棄其曲此未始知
音者也鄙人有得玉璞者喜其狀以為寶而藏之以示人
人以為石也因而棄之此未始知王者也故有符於中則

貴是而同今古無以聽其說則所從來者遠而貴之耳

淮南

子脩務訓

夫實

今劍或絕側羸文齧缺卷鉅而稱以頃襄之劍則貴人爭
帶之琴或撥刺枉撓闊解漏越而稱以楚莊之琴側室爭
鼓之苗山之鋌羊頭之銷雖水斷龍舟陸剗兕甲莫之服

帶山桐之琴澗梓之腹雖鳴廉隅修營唐牙莫之鼓也

淮南

子脩務訓

審實

通人則不然腹劍者期於銛利而不期於墨陽莫邪乘馬

者期於千里而不期於驂騮綠耳鼓琴者期於鳴廉修營
而不期於濫脇號鍾誦詩書者期於通道畧物而不期於
洪範商頌聖人見是非若白黑之於目辯清濁之於耳聽
衆人則不然中無主以受之譬則遺腹子之上隴以禮哭
泣之而無所歸心

淮南子脩務訓

審識

故夫鬻子之相似者唯其母能知之玉石之相類者唯良
工能識之書傳之微者唯聖人能論之今取新聖人書名
之孔墨則弟子句指而受者必衆矣故美人者非必西施
之種通士者不必孔墨之類

淮南子脩務訓

後知

昔晉平公令官爲鍾鍾成而示師曠曰鍾音不調平公曰寡人以示工工皆以爲調而以爲不調何也師曠曰使後世無知音者則已若有知音者必知鍾之不調故師曠之欲善調鍾也以爲後之有知音者也

淮南子脩務訓

見棄

今夫毛牆西施天下之美人若使之銜腐鼠蒙蝟皮衣豹裘帶死蛇則布衣韋帶之人過者莫不左右睥睨而掩鼻常視使之施芳澤正娥眉設竝珥衣阿錫曳齊紈粉白黛黑佩玉環榆步雜芝若籠蒙目視治由笑目流眦口曾撓

奇牙出齶齶搖則雖王公大人有嚴志頡頏之行者無不憚怵癢心而悅其色矣今以中人之才蒙愚惑之智被汙辱之行無本業所修方術所務焉得無有睥面掩鼻之容哉

淮南子脩務訓

漸靡

今鼓舞者繞身若環曾撓摩地扶旋猗那動容轉曲便媚擬神身若秋葯被風髮若結旌騁馳若驚木熙者舉梧櫛據句枉媛自縱好茂葉龍夭矯燕枝拘援豐條舞扶疏龍從鳥集搏援攫肆茂蒙踴躍且夫觀者莫不爲之損心酸足彼乃始徐行微笑被衣修擢夫鼓舞者非柔縱而木熙

者非眇勁淹漫漬漸靡使然也 淮南子脩務訓

損益

是故生木之長莫見其益有時而修砥礪礪堅莫見其損
有時而薄 淮南子脩務訓

後效

藜藿之生螟螟然日加數寸不可以為樞棟榱桷豫章之
生也七年而後知故可以為棺舟夫事有易成者名小難
成者功大君子修美雖未有利福將在後至 淮南子脩務訓

氣動

夫濕之至也莫見其形而炭已重矣風之至也莫見其象

而木已動矣日之行也不見其移騏驥倍日而馳草木為
之靡縣燹未轉而日在其前故天之且風草木未動而鳥
已翔矣其且雨也陰曠未集而魚已噞矣以陰陽之氣相
動也故寒暑燥濕以類相從聲響疾徐以音相應也 淮南子泰族訓

天心

是以天心喆 噓 吟者也故一動其本而百枝皆應若春
雨之灌萬物也渾然而流沛然而施無地而不澍無物而
不生 淮南子泰族訓

至大

夫天地之施化也嘔之而生吹之而落豈此契契哉故凡可度者小也可數者少也至大非度之所能及也至衆非數之所能領也故九州不可頃畝也八極不可道里也太山不可丈尺也江海不可斗斛也故大人者與天地合德日月合明鬼神合靈四時合信

淮南子泰族訓

神應

夫鬼神視之無形聽之無聲然而郊天望山川禱祠而求福雩允而請雨卜筮而決事

淮南子泰族訓

自生

故高山深林非爲虎豹也大木茂枝非爲飛鳥也流源千

里淵深百仞非爲蛟龍也致其高崇成其廣大山居木棲巢枝穴藏水潛陸行各得其所寧焉

淮南子泰族訓

化生

夫大生小多生少天之道也故丘阜不能生雲雨涔水不能生魚鱉者小也牛馬之氣蒸生蟣虱蟣虱之氣蒸不能生牛馬故化生於外非生於內也

淮南子泰族訓

誠通

太王亶父處邠狄人攻之杖策而去百姓携幼扶老負釜甌踰梁山而國乎岐周非令之所能招也秦穆公爲野人食駿馬肉之傷也飲之美酒韓之戰以其死力報非券之

所能責也宓子治亶父巫馬期往觀化焉見夜漁者得小
卽釋之非刑之所能禁也孔子爲魯司寇道不拾遺市買
不豫賈田漁皆讓長而班白不戴負非法之所能致也夫
天之所以射遠貫牢者弩力也其所以中的剖微者正心
也賞善罰暴者政令也其所以能行者精誠也故弩雖強
不能獨中令雖明不能獨行必自精神所以與之施道故
攄道以被民而民弗從者誠心弗施也

淮南子泰族訓

因物

埏埴而爲噐窬木而爲舟鑠鐵而爲刃鑄金而爲鍾因其
可也駕馬服牛令鷄司夜令狗守門因其然也民有好色

之性故有大婚之禮有飲食之性故有大饗之誼有喜樂
之性故有鍾鼓管絃之音有悲哀之性故有哀經哭踊之

節

淮南子泰族訓

盡性

繭之性爲絲然非得工女煮以熱湯而抽其統紀則不能
成絲卵之化爲雛非慈雌嘔煖覆伏累日積久則不能爲
雛人之性有仁義之資非聖王爲之法度而教導之則不
可使鄉方

淮南子泰族訓

通變

五色雖朗有時而渝茂木豐草有時而落物有降殺不得

自若故聖人事窮而更爲法弊而改制非樂變古易常也
將以救敗持衰黜淫濟非以調天地之氣順萬物之宜也
淮南子泰族訓

各適

水火金木土穀異物而皆任規矩權衡準繩異形而皆施
丹青膠漆不同而皆用各有所適物各有宜輪員輿方輳
從衡橫勢施便也驂歆馳服歆步帶不厭新鈎不厭故處
地宜也淮南子泰族訓

兼用

故勇者可令進鬪而不可令持牢重者可令埴固而不可

令凌敵貪者可令進取而不可令守職廉者可令守分而
不可令進取信者可令持約而不可令應變五者相反聖
人兼用而材使之夫天地不包一物陰陽不生一類海不
讓水潦以成其大山不讓土石以成其高夫守一隅而遺
萬方取一物而棄其餘則所得者鮮而所治者淺矣淮南子泰族訓

優游

河以逶蛇故能遠山以陵遲故能高陰陽無爲故能和道
以優游故能化淮南子泰族訓

省約

治大者道不可以小地廣者制不可以狹位高者事不可
以煩民衆者教不可以苛夫事碎難治也法煩難行也求
多難贍也寸而度之至丈必差銖而稱之至石必過石秤
丈量徑而寡夫簡絲數米煩而不察故大較易爲智曲辯
難爲慧故功不厭約事不厭省求不厭寡功約易成也事
省易治也求寡易贍也衆易之於以任人易矣

淮南子泰族訓

貴逸

故張瑟者小絃急而大絃緩立事者賤者勞而貴者逸

淮南

子泰族訓

職守

今夫祭者屠割烹殺剝狗燒豕調平五味者庖也陳簠簋
列樽俎設籩豆者祝也齋明盛服淵默而不言神之所依
者尸也宰祝雖不能尸不越樽俎而代之

淮南子泰族訓

尚通

水之性悼以清窮谷之汙生以青苔不治其性也掘其所
流而深之茨其所決而高之使得循勢而行乘衰而流雖
有腐醴流漸弗能汙也其性非異也通之與不通也風俗
猶此也

淮南子泰族訓

察原

所以貴扁鵲者非貴其隨病而調藥貴其摩息脉血知病

之所從生也所以貴聖人者非貴隨罪而鑿刑也貴其知
亂之所由起也淮南子泰族訓

待人

三代之法不亡而世不治者無三代之智也六律具存而
莫能聽者無師曠之耳也故法雖在必待聖而後治律雖
具必待耳而後聽故國之所以存者非以有法也以有賢
人也其所亡者非以無法也以無賢人也淮南子泰族訓

教化

法能殺不孝者而不能使人為孔曾之行法能刑竊盜者
而不能使人為伯夷之廉孔子弟子七十養徒三千人皆

入孝出悌言為文章行為儀表教之所成也墨子服役者
百八十人皆可使赴火蹈刃死不還踵化之所致也淮南子泰族訓

從好

夫刻飢膚鑿皮革被創流血至難也然越為之以求榮也
聖王在上明好惡以示之經誅譽以導之親賢而進之賤
不肖而退之無被創流血之苦而有高士尊顯之名民孰
不從淮南子泰族訓

偽託

當今之世醜必託善以自為解邪必蒙正以自為僻遊不

論國仕不擇官行不辟汙曰伊尹之道也分別爭財親戚兄弟構怨骨肉相賊曰周公之義也行無廉耻辱而不死曰管子之趨也行貨賂趣勢門立私廢公比周而取容曰孔子之術也此使君子小人紛然散亂莫知其是非者也故百川並流不注海者不為川谷趣行踏馳不歸善者不為君子淮南子泰族訓

舉高

故舉天下之高以為三公一國之高以為九卿一縣之高以為二十七大夫一鄉之高以為八十一元士故知過萬人者謂之英千人者謂之俊百人者謂之豪十人者謂之

傑淮南子泰族訓

義重

使人左據天下之圖而右別喉愚者不為也身貴於天下也死君親之難視死若歸義重於身也天下大利也比之身則小身所重也比之義則輕義所全也淮南子泰族訓

大樂

今囚之冥室之中雖養之以芻豢衣之以綺繡不能樂也以目之無見耳之無聞穿隙穴見雨零則快然而嘆之况開戶發牖從冥冥見炤炤乎見炤炤猶尚肆然而喜又况出室坐堂見日月光乎見日月光曠然而樂又况登太山

履石封以望八荒視天都若蓋江河若帶又况萬物在其
間者乎其為樂豈不大哉

淮南子泰族訓

有術

夫物常見則識之常為則能之故因其患則造其備犯其
難則得其便夫以一世之壽而觀千歲之知今古之論雖
未嘗更也其道理素具可不謂有術乎

淮南子泰族訓

喜知

人欲知高下而不能教之用管準則說欲知輕重而無以
予之權衡則喜欲知遠近而不能教之以金目則快射又
况知應無方而不窮哉

淮南子泰族訓

端尚

以鑿觀池之力耕則田野必辟矣以積土山之高修隄防
則水用必足矣以食狗馬鴻鴈之費養士則名譽必榮矣
以弋獵博奕之日誦詩讀書聞識必博矣

淮南子泰族訓

務本

草木洪者為本而殺者為末禽獸之性大者為首而小者
為尾末大於本則折尾大於要則不掉矣故食其口而百
節肥灌其本而枝葉美天地之性也

淮南子泰族訓

治本

故仁義者治之本也今不知事修其本而務治其末是釋

其根而灌其枝也且法之生也以輔仁義今重法而棄義是貴其冠履而忘其頭足也故仁義者為厚基者也不益其厚而張其廣者毀不廣其基而增其高者覆語曰不大其棟不能任重淮南子泰族訓

道原

故弁冕輅輿可服而不可好也大羹之和可食而不可嗜也未絃漏越一唱而三嘆可聽而不可快也故無聲者正其可聽者也其無味者正其足味者也淮南子泰族訓

儀道

故事不本於道德者不可以為儀言不合乎先王者不可

以為道音不調乎雅頌者不可以為樂淮南子泰族訓

德衰

故民知書而德衰知數而厚衰知券契而信衰知械机而實衰也巧詐藏於胸中則純白不備而神德不全矣淮南子泰族訓

族訓

君佚

琴不鳴而二十五絃各以其聲應軸不運而三十輻各以其力旋絃有緩急大小然後成曲車有勞佚動靜而後能致遠使有聲者乃無聲者也能致千里者乃不動者也故上下異道則治同道則亂淮南子泰族訓

愛禮

蠟蠶一歲再收非不利也然而王法禁之者為其殘桑也
離先稻熟而農夫耨之不以小利傷大穫也家老異飯而
食殊器而享子婦跣而上堂跪而斟羹非不費也然而不
可省者為其害義也待媒而結言聘納而娶婦紱纁而親
迎非不頌也然而不可易者所以防淫也

淮南子泰族訓

生事

使民居處相司有罪相覺於以舉姦非不掇也然而傷和
睦之心而構仇讐之怨故事有鑿一孔而生百隙樹一物
而生萬業者所鑿不足以為便而所開足以為敗所樹不

足以為利而所生足以為穢

淮南子泰族訓

利害

昌羊去蚤虱而人弗痒者為其來鈴窮也狸執鼠而不可
脫於庭者為搏鷄也故事有利於小而害於大得於此而
忘於彼者故行碁者或食兩而路窮或予畸而取勝

淮南子泰

族訓

貴全

夫五音之數不過宮商角徵羽然而五絃之琴不可鼓也
必有細大駕和而後可以成曲今畫龍首觀者不知其何
獸也具其形則不疑矣

淮南子要畧

汜論

汜論者所以箴縷縹菜繖然之間檄先揆胥兒哇鷓偶之

邾隙也淮南子要畧

大小

夫江河之腐背不可勝數然祭者汲焉大也一盃酒白蠅
漬其中匹夫弗嘗者小也淮南子要畧

神御

昔者馮夷大丙之御也乘雲車入雲蜺游微霧驚恍忽歷
遠彌高以極往經霜雪而無迹照日光而無景扶搖杗杓
羊角而上經紀山川蹈騰崑崙排闔闔淪天門末世之御

雖有輕車良馬勁策利楛不能與之爭先

淮南子原道訓上

心行

昔舜耕於歷山耨平而田者爭處堯堉以封壤肥饒相讓
釣於河瀆暮年而漁者爭處湍瀨以曲隈深潭相予當此
之時口不設言手不指麾執玄德於心而化馳若神使舜
無其志雖口辯而戶說之不能化一人是故不道之道莽
乎大哉夫能理三苗朝芻民從裸國納肅慎未發號施令
而移風易俗者其唯心行者乎法度刑罰何足以致之也

淮南子原道訓上

大已

古之人有居巖穴而神不遺者末世有勢為萬乘而日憂
悲者由此觀之聖亡乎治人而在於得道樂亡乎富貴而
在于得和知大已而小天下則幾於道矣淮南子原道訓下

行寡

故聽善言便計雖愚者知說之稱至德高行雖不肖者知
慕之說之者眾而用之者鮮慕之者多而行之者寡所以
然者何也不能反諸性也淮南子原道訓下

無道

夫藏舟於壑藏山於澤人謂之固矣雖然夜半有力者負
而趨寐者不知猶有所遁若藏天下於天下則無所遁其

形矣

淮南子俶真訓上

大覺

若人者千變萬化而未始有極也弊而復新其為樂也可
勝計耶譬若癩為鳥而飛於天癩為魚而沒於淵方其癩
也不知其癩也覺而後知其癩也今將有大覺然後知今
此之為大癩也始吾未生之時焉知生樂也今吾未死又
焉知死之不樂也淮南子俶真訓上

至鈞

是故以道為竿以德為綸禮樂為鈞仁義為餌投之於江
浮之於海萬物紛紛孰非其有淮南子俶真訓上

神智

夫人之所受於天者耳目之於聲色也口鼻之於芳臭也肌膚之於寒燠其情一也或通於神明或不免於癡狂者何也其所為制者異也是故神者智之淵也淵清則智明矣智者心之府也智公則心平矣

淮南子儆真訓下

應類

是故山氣多男澤氣多女障氣多暗風氣多聾林氣多瘡木氣多偃岸下氣多腫石氣多力險阻氣多瘦暑氣多天寒氣多壽谷氣多痺丘氣多狂衍氣多仁陵氣多貪輕土多利重土多遲湍水音小濁水音大湍水入輕遲水入重

中土多聖人皆應其類

淮南子地形訓上

生異

是故堅土人剛弱土人肥壚土人大沙土人細息土人美耗土人醜食水者善游能寒食土者無心而慧食木者多力而彘食草者善走而愚食葉者有絲而娥食肉者勇敢而悍食氣者神明而壽食穀者知慧而天不食者不死而神凡人民禽獸萬物貞蟲各有以生或竒或偶或飛或走莫知其情唯知通道者能原本之

淮南子地形訓上

諭哀

昔雍門子以哭見于孟嘗君已而陳辭通意撫心發聲孟

嘗君爲之增欷歔吧流涕狼淚不可止精神形於內而外
諭哀於人心此不傳之道使俗人不得其君形者而效其
容必爲人笑故蒲且子之連鳥於百仞之上而詹何之驚
魚於大淵之中此皆得清淨之道大浩之和也

淮南子覽
冥訓

難通

今夫地黄主屬骨而甘草主生肉之樂也以其屬骨責其
生肉以其生肉論其屬骨是猶王孫綽之欲倍偏枯之樂
而欲以生殊死之人亦可謂失論矣若夫以火能焦木也
因使銷金則道行矣若以磁石之能連鐵也而求其引瓦
則難矣

淮南子覽冥訓

節愛

夫天地之道至絃以大尚猶節其章光愛其神明人之耳
目曷能久熏勞而不息乎精神何能久馳騁而不旣乎

淮南

子精神訓

性累

是故五色亂目使目不明五聲譁耳使耳不聰五味亂口
使口爽傷趣舍滑心使行飛揚此四者天下之所養性也
然皆人累也故曰嗜慾者使人之氣越而好憎者使人之
心勞弗疾去則志氣日耗夫人之所以不能終其壽命而
中道夭於形戮者何也以其生生之厚夫惟能無以生爲

者則所以脩得生也淮南子精神訓

一視

廓恟而虛清靖而無思慮大澤焚而不能熱河漢涸而不能寒也大雷毀山而不能驚也大風晦日而不能傷也是故視珍寶珠玉猶石礫也視至尊窮寵猶行客也視毛嫵西施猶顛醜也以死生爲一化以萬物爲一方淮南子精神訓

生生

夫木之死也青青去之也夫使木生者豈木也猶充形者之非形也故生生者未嘗死也其所生則死矣化物者未嘗化也其所化則化矣淮南子精神訓

務實

故兵者所以討暴非所以爲暴也樂者所以致和非所以爲淫也喪者所以盡哀非所以爲僞也故事親有道矣而愛爲務朝廷有容矣而敬爲上處喪有禮矣而哀爲主用兵有術矣而義爲本淮南子本經訓

治本

昔孫叔敖恬卧而郢人無所害其鋒市南宜遼弄丸而兩家之難無所關其辭鞅鞞鐵鎧瞋目扼擘其於以御兵刃縣矣券契束帛刑罰斧鉞其於以解難薄矣待目而照見待言而使令其於爲治難矣淮南子主術訓上

實民

是故貧民糟糠不接於口而虎狼熊羆獸芻豢百姓短褐不完而宮室衣錦人主急茲無用之功百姓黎民顛顛於天下是故使天下不安其性

淮南子主術訓下

國心

主者國之心心治則百節皆安心擾則百節皆亂故其心治者支體相遺也其國治者君臣相忘也

淮南子繆稱訓

妄度

使堯度舜則可使桀度堯是猶以升量石也今謂狐狸則必不知狐又不知狸非未嘗見狐者必未嘗見狸也狐狸

非異同類也而謂狐狸則不知狐狸是故謂不肖者賢則必不知賢謂賢者不肖則必不知不肖者矣

淮南子繆稱訓

文質

故送往者非所以迎來也施死者非專為生也誠出於己則所動者遠矣錦繡登廟貴文也圭璋在前尚質也文不勝質之謂君子

淮南子繆稱訓

情諭

心之精者可以神化而不可以導人目之精者可以消澤而不可以昭認在混冥之中不可諭於人故舜不降席而天下治桀不下陛而天下亂蓋情甚乎叫呼也

淮南子繆稱訓

情用

三月嬰兒未知利害也而慈母之愛愈篤者情也故言之用者昭昭乎小哉不言之用者曠曠乎大哉

淮南子繆稱訓

一心

故兩心不可以得一入一心可以得百人

淮南子繆稱訓

昧禍

無勇者非先懼也難至而失其守也貪婪者非先欲也見利而忘其害也虞公見垂棘之璧而不知豨禍之及已也故至道之人不可遏奪也

淮南子繆稱訓

聖行

聖人之行無所合無所離譬若鼓無所與調無所不比絃莞金石小大脩短有敘異聲而和君臣上下官職有差殊

事而調

淮南子繆稱訓

誠中

誠中之人樂而不恆如鴉好聲熊之好經夫有誰為矜

淮南

子繆稱訓

下臣

水下流而廣大君下臣而聰明君不與臣爭功而治道通矣管夷吾百里奚經而成之齊桓秦穆受而聽之照惑者以東為西惑也見日而寤矣

淮南子繆稱訓

本枝

君根本也臣枝葉也根本不美枝葉茂者未之聞也

淮南子繆

稱訓

至壽

天下有至貴而非勢位也有至富而非金玉也有至壽而非千歲也原心反性則貴矣適情知足則富矣明死生之

分則壽矣

淮南子繆稱訓

弗給

目所見不過十里而欲遍照海內之民哀樂弗能給也無天下之妄財而欲遍贍萬民利不能足也

淮南子齊俗訓

